



Na osnovu odluke Upravnog vijeća Centralne banke Bosne i Hercegovine UV broj: 122-01-1-1587-10/21 AJ od 27. jula 2021. godine, a u skladu sa članom 17. Pravilnika o uslovima i postupku prodaje stalnih sredstava Centralne banke Bosne i Hercegovine broj: 101-01-2-1238/11 od 01.04.2011. godine i Pravilnikom o izmjenama i dopunama Pravilnika o uslovima i postupku prodaje stalnih sredstava Centralne banke Bosne i Hercegovine, br: 122-17-2-1006-10/21 od 19.05.2021. godine Centralna banka Bosne i Hercegovine objavljuje:

**JAVNI POZIV
za prodaju korištenog motornog vozila putem otvorenog
postupka sa javnim pozivom za prikupljanje zatvorenih ponuda**

I

Predmet javnog poziva - licitacije je prodaja, prikupljanjem zatvorenih pisanih ponuda, korištenog motornog vozila:

PASSAT 2.0 TDI, registarskih oznaka: T72-E-239 broj šasijske WVWZZZ3CZ99000012, godina proizvodnje 2008, boja: crna, pređenih kilometara cca 285000, u ispravnom stanju. Početna cijena **8.300,00 KM** (slovima: osamhiljadatristotine i 00/100 konvertibilnih maraka);

Putničko motorno vozilo se prodaje po principu „viđeno-kupljeno“ (**u ispravnom stanju**) bez prava na naknadnu reklamaciju. Ponude ispod navedene početne cijene se neće razmatrati i Centralna banka Bosne i Hercegovine (u daljem tekstu: Centralna banka) može obustaviti postupak licitacije ukoliko ne bude postignuta početna cijena za vozila. Motorna vozila koja su predmet ove licitacije mogu se pogledati na lokaciji **parkinga Glavne banke Republike Srpske Centralne banke Bosne i Hercegovine** u ulici **Vidovdanska 19** poštanski broj: **78000 Banja Luka** dana, **08.09.2021. godine i 09.09.2021. godine** u periodu od **13.00 časova do 15.00 časova**.

II

Pravo učešća na licitaciji imaju sva pravna i punoljetna fizička lica koja se u skladu sa ovim pozivom prijave za učešće na licitaciji i na račun Centralne banke broj: 0000020000000097 uplate depozit u iznosu od 10% od početne cijene za motorno vozilo koje je predmet licitacije:

830,00 KM
(slovima: osamstotinatrideset i 00/100 konvertibilnih maraka)

Pravo učešća u postupku licitacije nemaju članovi komisije za provođenje postupka.

Prilikom uplate kao primaoca je potrebno naznačiti „Centralna banka Bosne i Hercegovine – Centralni ured“ a kao svrhu uplate navesti „uplata za licitaciju, (navesti naziv vozila za koji se vrši uplata)“.

Izvršenom uplatom depozita i podnošenjem prijave/ponude na licitaciju učesnici licitacije prihvataju uslove licitacije iz ovog oglasa.

Učesnicima licitacije, čija ponuđena cijena ne bude najpovoljnija odnosno najveća, uplaćeni iznos depozita će biti vraćen u roku od (7) sedam radnih dana od dana javnog otvaranja ponuda na broj žiro/tekućeg računa navedenog u prijavi za licitaciju. Učesniku licitacije koji bude ponudio najveću cijenu i čija ponuda bude prihvaćena kao najbolja uplaćeni depozit će biti uračunat u ponuđenu cijenu vozila odnosno u vrijednost ugovora o prodaji, a ukoliko odustane od zaključenja ugovora depozit se ne vraća. **Podnosilac prijave ne stiče svojstvo učesnika licitacije kada Centralna banka Bosne i Hercegovine utvrdi da do datuma određenog za javno otvaranje ponuda nije evidentiran priliv sredstava, po osnovu uplate depozita, na žiro račun Centralne banke Bosne i Hercegovine naveden u oglasu licitacije.**

III

Ponuda za licitaciju mora da sadrži:

a) za ponuđača

- pravno lice: odgovarajući dokaz o statusu i registraciji pravnog lica - ovjerenu fotokopiju rješenja/izvoda o upisu u sudski registar, odnosno rješenja o obavljanju djelatnosti čija ovjera nije starija od tri mjeseca od posljednjeg dana za dostavljanje ponuda za licitaciju, JIB/ID, odnosno identifikacioni broj u sistemu PDV-a, ime i prezime lica ovlašćenog za zastupanje, njegov potpis i pečat pravnog lica, sa naznakom mjesta i datuma ponude, za punomoćnika, odgovarajuće punomoćje, dato na zakonom propisan način, broj žiro računa pravnog lica;
- fizičko lice: ime i prezime i JMB fizičkog lica, adresu stanovanja/prebivališta i broj kontakt telefona, ovjerenu fotokopiju lične karte (prva i druga strana) ili pasoša, broj tekućeg/žiro računa, naznaku da podnosi ponudu u svoje ime i za svoj račun, za punomoćnika, odgovarajuće punomoćje, dato na zakonom propisan način;

c) jasno naznačen fiksni iznos ponuđene cijene za stalno sredstvo koje je predmet licitacije izražen u konvertibilnim markama i isписan arapskim brojevima, a u zagradi slovima;

d) dokaz o uplati depozita (fotokopija platnog naloga za pravna lica, odnosno fotokopija naloga za izvršeno plaćanje tzv. peti primjerak - za fizička lica);

g) druge elemente tražene javnim pozivom za licitaciju.

Sva prateća dokumentacija koja se dostavlja uz ponudu mora biti dostavljena u originalu ili kopiji ovjerenoj od strane nadležnog organa.

Sve blagovremene prijave za licitaciju koje ne budu ispunjavale uslove iz ove tačke biće odbačene kao nepotpune i neće se razmatrati. Jedan ponuđač može podnijeti samo jednu prijavu za licitaciju i ponudu.

Ponuđač snosi sve troškove u vezi sa pripremom i dostavljanjem svoje ponude na javni poziv za licitaciju za prodaju stalnih sredstava Centralne banke Bosne i Hercegovine.

Centralna banka Bosne i Hercegovine nije odgovorna niti dužna snositi bilo kakve troškove koje ima ponuđač po osnovu svog učešća u licitaciji. Ponuda i svi dokumenti u vezi sa ponudom i prepiska između ponuđača i Centralne banke Bosne i Hercegovine moraju biti napisani na jednom od jezika u službenoj upotrebi u Bosni i Hercegovini.

IV

Prijava za licitaciju se dostavlja u jednom originalnom primjerku u zatvorenoj koverti sa naznakama: „PONUDA ZA LICITACIJU MOTORN OG VOZILA - **PASSAT 2.0 TDI** „, NE OTVARAJ“. Na koverti moraju biti naznačeni osnovni podaci o podnosiocu prijave (ime i prezime fizičkog lica odnosno naziv firme, adresa i kontakt telefon). Prijave za licitaciju se dostavljaju putem pošte na adresu Centralne banke:

Centralna banka Bosne i Hercegovine

Maršala Tita 25

71000 Sarajevo

ili lično na Protokol Centralne banke Bosne i Hercegovine.

U razmatranje se uzimaju samo kovert e/prijave za licitaciju predate lično na Protokol ili poslane preporučeno - poštom, na adresu iz ove tačke, koje su pristigle **do 13.09.2021. godine do 10.00 časova** po lokalnom vremenu. Sve kovert e/prijave za licitaciju koje pristignu poslije naznačenog roka i koje ne budu dostavljene na gore opisani način neće se uzeti u razmatranje i podnosiocima će biti vraćene neotvorene.

Ponuđač može prije isteka roka za dostavljanje ponude na javni poziv za licitaciju svoju ponudu izmijeniti ili dopuniti u pisanoj formi, pod uslovom da je izmijenjena ili dopunjena ponuda dostavljena na isti način kao i prvobitna ponuda. Na koverti u kojoj se nalazi izjava ponuđača pišu se sljedeće riječi: « IZMJENA PONUDE ZA LICITACIJU MOTORN OG VOZILA PASSAT 2.0 TDI « ili « DOPUNA PONUDE ZA LICITACIJU MOTORN OG VOZILA PASSAT 2.0 TDI « - „, NE OTVARAJ “.

V

Javno otvaranje ponuda će se održati **dana, 13.09.2021. godine** u prostorijama Centralnog ureda Centralne banke Bosne i Hercegovine, u ulici Mehmeda Spah e 3, 71000 Sarajevo, sa početkom u **11.00 časova**. O postupku javnog otvaranja ponuda će se voditi zapisnik koji po završetku istog potpisuju članovi nadležne komisije i prisutni predstavnici ponuđača. Javnom otvaranju ponuda mogu prisustvovati svi ponuđači koji su podnijeli prijavu za licitaciju i uplatili odgovarajući iznos depozita. Pravna ili fizička lica mogu biti predstavljena lično, po zakonskom zastupniku ili punomoćniku, a prije početka postupka licitacije dužni su radi dokazivanja indentiteta, predložiti ličnu kartu, a u slučaju zastupništva/punomoćstva – ovlaštenje, odnosno punomoć za zastupanje dato na zakonom propisan način.

Učesnik na licitaciji koji ponudi najvišu cijenu, proglašava se kupcem. Ukoliko dva ili više učesnika na licitaciji ponude istu najvišu cijenu, odmah će se izvršiti dodatno licitiranje putem pisanih ponuda do dobijanja iznosa najviše ponude. Ukoliko kupac ne uplati prodajnu cijenu u skladu sa ovim oglasom, Centralna banka Bosne i Hercegovine može pozvati drugorangiranog ponuđača na licitaciji da stupi na mjesto kupca i uplati iznos prema ponudi koju je istakao na licitaciji, a može i proglasiti postupak licitacije neuspjelim.

Kupac snosi sve troškove vezane za preuzimanje stalnog sredstva koje je kupio licitacijom (troškovi provjere, deinstalacije, pakovanja, transporta, promjene vlasništva, porezi, naknade i slično).

VI

Centralna banka Bosne i Hercegovine će najkasnije u roku od 90 (devedeset) dana od dana održavanja javnog otvaranja ponuda donijeti odluku o ishodu licitacije i u slučaju uspješne licitacije pozvati najpovoljnijeg ponuđača na potpisivanje ugovora o prodaji. Najpovoljniji ponuđač je dužan da u roku od (15) petnaest dana od dana prijema ovog poziva uplati razliku novca do iznosa ponuđene cijene i zaključi ugovor o prodaji sa Centralnom bankom Bosne i Hercegovine. Primopredaja odnosno preuzimanje motornog vozila iz tačke (I) će se vršiti po uplati kompletnog iznosa ponuđene cijene i zaključenju ugovora, a kupac je dužan da isti preuzme u roku od (5) pet kalendarskih dana od dana uplate cjelokupnog iznosa prodajne cijene i zaključenja ugovora o prodaji. Kupac snosi sve troškove vezane za predmet prodaje (preuzimanje, promjena vlasništva, porezi, naknade i sl).

Sve informacije vezane za licitaciju se mogu dobiti od kontakt osobe Zorana Maleševića na broj telefona: 051 243 645 i broj mobitela: 065/629-982 ili e-mail zoran.malesevic@cbbh.ba

Obavještenje za Javni poziv je objavljeno u dnevnim listovima Nezavisne novine i Oslobođenje i sa detaljima za učešće na web stranici Centralne banke Bosne i Hercegovine: www.cbbh.ba.

U Sarajevu, 06.09.2021. godine